



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Dubium XV. Quid sit assecuratio & fidejussio.

urn:nbn:de:hbz:466:1-42561

Quid sit Assecuratio & Fidejussio.

Resp. I. Contractus asssecurationis est, quo quis¹¹⁰⁵
alienæ rei periculum in se suscipit, obligan-
do se, vel gratis, vel pro certo pretio, ad eam
compensandam, si perierit. Quòd si gratis fiat, est
gratuita promissio; si pretio, est quasi emptio, quâ
asssecurans vendit suam obligationem, præstandi
alteri rem ejus indemnem. Ad ejus justitiam re-
quiritur, ut eventus rei sit incertus utrique, sal-
tem quoad notitiam, quam de eo habent, quia
alioqui non servaretur æqualitas. *Bon. to. 2. de contr. d. 3. q. 9. p. 3. Less. lib. 2. cap. 28. dub. 4. n. 24. Unde
resolves:*

I. Si asssecurans certus sit rem esse in tuto, ini-
què pretium petit, & tenetur restituere. *Less. ibid. n. 3.*

II. Si res nondum est in tuto, etsi privatâ scien-
tiâ sciat non fore periculum, licere nihilominus
pretium ordinarium asssecurationis accipere, di-
cit *Less. n. 27.* quia illa obligatio, ob pericula ordi-
naria magni æstimatur: & causæ occultæ, quæ
periculum minuunt, non imminuunt commu-
nem æstimationem. Verùm id *Bon. n. 3. & Lugo
d. 31. f. 7.* rectiùs negant.

III. Si cupiens rem suam asssecurari, cerò sciat
eam jam periisse, non potest pacisci de ejus asssecu-
ratione. *V. Less. n. 25.*

Resp. II. Fidejussio est contractus, quo quis
alienam obligationem suscipit incipiendam, si
debitor principalis non solverit. Ita communi-
ter Doctores. *Unde resolves.*

I. Pro fidejussione licet accipere pretium, etsi
nullum periculum timeatur, quia ex se pretio

est æstimabilis. *Nav. man. c. 17. n. 283. Azor p. 3. l. 11.*

c. 22. d. 5. Fill. tr. 38. n. 159.

II. Mulieres ex fidejussione (saltem si juramentum absit, & instrumentum publicum) non tenentur, uti nec Clerici, nisi quatenus solvere commode possunt, ut non egeant, *V. Lay. l. 3. tr. 4. c. 29.*

n. 5. & 6. Bon. p. 2. Less. d. 2. Onnate D. 52. Sect. 6.

III. Fidejussor non obligatur plùs quàm principalis; & hujus obligatio si sit invalida, erit etiam fidejussoris, *Lugo disp. 32. n. 5. & c. communiter.*

IV. Fidejussor regulariter non potest conveniri, nisi factâ excussione principalis debitoris, constet ipsum non esse solvendo, *Azor l. c. V. notandum. Fil. n. 153.*

V. Debitor tenetur de omni damno suâ culpâ accidente fidejussori, & c. *Vid. Azor. d. 10. Bonac. p. 1. n. 14.*

VI. Ex fidejussione Religiosi propriâ auctoritate facta Monasterium non obligatur, nisi quatenus in ejus utilitatem versum est. *V. Less. n. 20. & Laym. n. 7.*

VII. Qui fidejussit pro reo, cui periculum capitis impendebat, si hic aufugit, non est ejus loco plectendus, quia non præsumitur sic se obligare; imò nec potest, cum non sit dominus vitæ, *Sylva Bon. n. 10. Less. n. 41.*

VIII. Si debitor suâ culpâ non solvit, tenetur fidejussori, qui pro ipso solvit, non tantum ipsum debitum, sed etiam damna & expensas omnes compensare. Si verò sine sua culpa, v. g. ob impotentiam non solvit, ad solum debitum viderur teneri. *Az. Syl. Sa, Bon. n. 14. Trull. 10. 2. l. 7. c. 26. d. 2. n. 6.*

A D D E N D A.

1106 Q. 198. Quid præterea notandum sit. *By. Seqq. §. 1. Quam-*

Quamvis AA. communiter dicant fidejussorem de se esse pretio æstimabilem, uti n. 890. notatum est, adeoque pro ea posse accipi aliquid, si tamen absit omne periculum & molestia, probabiliter contradicunt *Covarr. Bonæsp. Steph. t. 4. d. 9. n. 142. Moya t. 1. t. 6. d. 4. q. 6. à n. 22.* quia difficulter ostendi potest disparitas, cur etiam mutuum non sit similiter futurum de se æstimabile, adeoque; cur etiam non possit pro eo accipi pretium. Si dicas, obligationem mutuantis compensari per redditionem sortis, obligationem autem Fidejussoris non compensari per aliquid, *Contrà est 1.* Quia non obligatio mutuantis, sed carentia sortis datæ compensatur per redditionem sortis. 2. Si fidejussor sciat nullum esse periculum vel molestiam, obligatio illa nullum affert onus, ergo nihil aptum est compensari. Vide *Gasp. Rodericum de annuis redit. l. 2. q. 12.* qui nobiscum sentit. Videri potest etiam *Onn. d. 52. à n. 23.*

§. 2. Creditor potest acceptare moderatum pretium, ut fidejussorem liberet à fidejussione periculosa vel molesta, quam suscepit pro debitore, *Mol. Saa, Roderic. n. 17. Alloza V. Fidejussio. n. 15.* Fidejussor autem potest, non quidem ordinariè, uti rectè *Castrop. d. 6. p. 26. §. 3. n. 5.* attamen aliquando cogere debitorem, ut eum à fidejussione liberet, v. g. si debitor fuerit potens solvere & non solverit, si incipiat dilapidare bona sua &c. *Lugo d. 32. n. 20.* Vide *Roderic. q. 13.* Econtrà Creditor compelli non potest, ut habito uno fidejussore admittat alium, sicuti compelli non potest, ut loco prioris hypothecæ admittat aliam, quia habet jus standi primo contractu, *Roderic. q. 12. n. 25.* Si tamen creditor admiserit alterum fidejussorem, liberatur primus, *Castrop. §. 2. n. 5. & 6.* Quòd si creditor proroget

tempus debitori, pro quo Cajus fidejufferat, si Cajus indefinite fidejufferat & non ad tempus tantum, pergit obligari, si autem fidejufferat, v. g. ad annum, cum anno cessat ipsius obligatio, sicuti si fidejuffisses pro capitali, non obligaberis ad interesse, quia obligatio non extendit se ultra conventionem, ita cum aliis *Azor p: 3: l: 11: c: 22.*

1108 §. 3. Si fidejussor, quando constituebatur, erat idoneus & potens, postea autem deficiat, debitor non tenetur substituere alium, quia reliquum periculum fidejussionis, uti & hypothecæ, est penes admittentem, *Bart: Surd: Castrop: n: 1.*

1109 §. 4: Successor non obligatur fidejussione sui Antecessoris, nisi sit hæres, vël ille in officio, v. g. Decani, constitutus fidejusserit cum consensu & nomine Capituli, *Mol: Saa, Alloza num. 10.* Dubitatur autem, an obliget fidejussio facta pro minorenni, aliqui cum *Saa V. fidejussio. n: 6:* negant, quia minorennis non potest se obligare; alii affirmant cum *Alloza n: 13;* quia secundum dicta *n: 671: & 679.* potest se saltem in conscientia obligare, & aliter potest hanc obligationem suscipere: Item aliqui affirmant, alii negant fidejussorem teneri solvere debita, antequam à Judice cogatur, *Saa, n: 8.*

1110 §. 5. Si plures in solidum fidejusserint pro aliquo, quilibet excipere potest contra creditorem, ne solus conveniatur, sed ut etiam alii cogantur stare pro parte: quòd si unus coactus fuisset solvere totum, posset à creditore petere jus agendi contra alios, uti ex jure ostendit *Lugo à n. 15.* Videri potest *Onnate d. 4. f: 15.* Item totâ disp: 52: & 53, ubi hætenus dicta & multa alia accuratè habet de fidejussione. De assécuratione autem agit disp: 131. f: 2.

DUBIUM